

**Peqqissutsimut Ilaqutariinnermullu Naalakkersuisoq
Landsstyremedlem for Sundhed og Familie**

Inatsisartunut ilaasortaq
Jonathan Motzfeldt, Siumut
-/maani

**§ 36, imm. 1 naapertorlugu Inatsisartunut ilaasortap Jonathan Motzfeldtip
apeqqutaanut allakkatigut akissut.**

Sundhedsmedhjælperit pillugit Naalakkersuisunut apeqqutit.

Inatsisartunut ilaasortap sundhedsmedhjælperinut tunngasunut soqutiginninnera
malitsigisaanillu apeqqutaanut qujavunga:

1. Sundhedsmedhjælperit 2009-2010-mut sundhedsassistentitut Nunatsinni
ilinniarteqqinneqareerpata peqqinnissaqarfimmi sulisut naammattut
pissarsiarineqarsimassappat?
2. Tamatuma kingorna sundhedmedhjælperinik ilinniartitsineq
ingerlateqqinniarneqarpa?

2. april 2009

Postboks 260
3900 Nuuk
Oq/tel +299 34 50 00
Fax +299 32 55 05
IPN@gh.gl
www.nanoq.gl/

Ataatsimut isigalugu

Inatsisartunut ilaasortamit eqqaaneqartutut silarsuarmi unammillerfiusumi
innuttaasut kalaallit ilinniartitaanerannut ilinniarteqqinneqarnerannullu
piumasaqaateqartoqartorujussuuvoq.

Tamanna aamma peqqissaanermik suliaqarfimmi atuuppoq, tamatumani nunanit
allanit sulisunik ilinniarsimasunik atorfinnut inuttaqanngitsunut sulisoqarnikkut
matussusersinnaanngisatsinnut sulisussanik pissarsiniarneq ajornakusoorluni.
taamaattumik peqqissaanermik sulialinnik qaffasissuni tamani
ilinniartitsiinnarnissaq ilinniartitseqqiinnarnissarlu pingaaruteqarpoq, innuttaasut
sapinggisamik pitsaanerpaamik sullinneqarnissaat qularnaarniarlugu.

Sundhedsassistentitut ilinniartitaaneq ullumikkut ima aaqqissugaavoq ilinniakkap
tullianik aallartitsinnginnermi ilinniagaq ataaseq
naammassineqareersimasussaalluni. Sundhedshjælperinngorniarnaq
aallarniutigineqartarpoq sundhedsassistentinngornialinnginnermi
naammassineqartussa. Sundhedsassistentit ilinniakkaminnik
naammassinnereernerminni suliaqarfinni ernisussiornermi, qinnguartaanermi,
kinguaassiutitigut nappaatinut tunngasuni il.il. immikkut ilinniaqqissinnaapput.

Ilinniartitsiinnarnissaq ilinniartitseqqiinnarnissarlu pingaaruteqarpoq, innuttaasut
sapinggisamik amerlasuut ingerlaannaqqullugit ass. peqqissaasunngorniat
ilinniarunnaartut sundhedsassistentinngorniarnermut ilanngunneqarsinnaapput.

Ullumikkut nunatsinni peqqissaanermut tunngasutigut ilinniartitaanerit

Peqqissaasut

1994-imiit ilinniartitaanerup aallartinneraniilli peqqissaasut 81-it / ukiumut arfineq pingasut miss. naammassisimapput. Peqqinnissaqarfimmiinnaq peqqissaasut 300-t missaanniittut atorfissaqartinneqarput – tamatuma saniatigut kommunini suliassaqarfinni utoqqarnut tunngasuni aamma pisariaqartitsisoqarpoq. Peqqissaasutut ilinniarsimasut ikippasissinnaapput ilinniarsinnaasulli eqqarsaatigigaanni amerlassusaat ajunngilluinnarluni. Tamanna kulturikkut oqaatsitigullu attassiinnarnissamut pitsaanerulissutaalluinnarpoq, tamatumunngalu peqatigitillugu nunap avataanit peqqissaasunik sulisussanik pissarsiniartariaqarneq millisarneqarluni.

Sundhedsassistentit

Sundhedsmedhjælperitut ilinniartitaanerup taamaatinneqarneraniilli, kiisalu sundhedsassistentitut ilinniartitaanerup 2001-imi aallartinneraniilli ukiumut atuaqatigiiaat ilinniartinneqartarput – katillugit sundhedsassistentit 61-iusut.

Sundhedsassistentitut ilinniartitaaneq marlunngorlugu avinneqarpoq:

- Suliassaqarfimmi pingaarnerusumi, tassa angerlarsimaffimmi paarsisutut paaqqinniffinnilu sulinissaq siunertaralugu ukiumi ataatsimi ilinniarneq
- Ukiuni marlunni ingerlaqqinneq atuagarsornertaqarlunilu sulinermillu misiliinertalik.

Sundhedshjælperit

Sundhedshjælperit ukiumi ataatsimi ilinniarsimasuupput sundhedsassistentinngorniarnep ukuanut siullermut naapertuuttumik. Piffissami 1994-imit 2004-mut ilinniartitaanerup najukkami qitiusumik ilinniarfinni piffigisaani sundhedshjælperit 190-it ilinniartinneqarsimapput. Peqqissaanermik ilinniartitaaneq 2004-mit Peqqissaanermik ilinniarfimmiitinneqalerpoq suliassaqarfimmilu tassani inuit 82-it sundhedsassistentinngorniarnep ukiumi ataatsimi ingerlanertaa naammassisimavaat. Taakkunannga inuit 61-it ukiuni marlunni sundhedsassistentinngorniarsimapput.

Naak ilinniartitaaneq pingaarnertut suliassaqarfimmut sammitinneqaraluartoq sundhedshjælpererpassuit ullumikkut peqqinnissaqarfimmi peqqissaanermik sulisunut ilinniarsimanngitsunut taarsiutitut sulipput.

Sundhedsmedhjælperinut sundhedsassistentitullu ingerlaqqilluni ilinniarneq

Sundhedsmedhjælperit peqqinnissaqarfimmi kommuninilu suli sulisuusut pinaveersaartitsineq, peqqinnissamik siuarsaaneq piginnaanngorsaaqqinnerlu sammillugit qaammatini arfineq marlunni piginnaasaqarnerulersitsiniarnermik / ingerlaqqilluni ilinniarnermik neqeroofigineqarsimapput. Ingerlaqqilluni ilinniarneq soraarummeernermik sundhedsassistentitut taaguuteqalerfiusumik naggaserneqartarpoq. Ullumikkumut piginnaasaqarnerulersitsiniarnerit immikkoortut arfinillit naammassineqareerput, tamatumani sundhedsmedhjælperit 81-it sundhedsassistentinngorlutik. "Ilinniartitaanermut immikkut suliniarneq" aqqutigalugu piginnaasaqarnerulersitsiniarnermut immikkoortut marluk suli pilersaarutigineqarput tamatumalu kingorna eqimattat marluk naammassiseqqinneqarnissaannut aningaasanik qinnuteqartoqassagunarpoq. Ilinniartitsineq taanna peqqinnissaqarfimmi kommuninilu sulisunik amerlissutaassanngilaq sulisunilli piginnaasaqarluarnerulersitsissalluni.

1-imut

Inuit ullumikkut Nunatsinni peqqissaanermik ilinniarsimasut ukiuni qulikkuutaani tulliuttuni atorfissaarunneqarnissaat ernumanartoqanngilluinnarpoq.

Peqqissaasut Ilisimatusarfimmi ilinniarsimasut amerlassusaasigut siunissami ukiorpassuarni amigaateqarneq matussuserneqarsinnaanngilaq utoqqalineq, suliffissat pilerinartut allat il.il. pissutigalugit suliunnaartoqartuarnissaa eqqarsaatigineqartariaqarmat.

Taamatuttaaq sundhedsassistentinik naammattunik sulisussaqaalernissamut ukiorpassuit ingerlassapput, peqqissaasut ikiliartornerat, utoqqaanerusut paarisariallit amerliartornerat, inooriaatsip kingunerisaanik nappaatit amerliartortut katsorsarneqartarnissaat il.il. peqatigitillugu peqqissaasut sundhedsassistentillu akornanni suliassat nikinnissaat naatsorsuutigineqarsinnaammat. Taamatuttaaq sundhedsassistentit sundhedshjælperillu akornanni suliassat nikinnissaat naatsorsuutigineqarsinnaavoq.

Taamatuttaaq pingaarnertut suliassaqaarfimmi sulinissaq siunertaralugu ilinniarsimasutut sundhedshjælperit suli atorfissaqartinneqassapput – pingaartumik innuttaasut utoqqaanerusut amerliartuinnarnissaannik naatsorsuuteqarneq aallaavigalugu - aammali peqqinnissaqaarfimmi suliffissarsikkajuttarlutik.

2-mut

Peqqinnissaqaarfimmi maanna pisariaqartitsineq aallaavigalugu maanna peqqissaanermik ilinniartitaanerit allanngortinneqarnissaat pilersaarutigineqanngilaq.

2008-mi suliassaqaarfiit allanngortinneqarmata peqqissaanermik ilinniartitaanerit Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqaarfimmut nuunneqarput, peqqissaanermillu ilinniartitaanerit allanngortinneqarnissaat siunissami tassannga suliassaqaarfigineqarpoq. Taamaattorli naalackersuisoqaarfiit taakku marluk akornanni ataatsimut allannguisoqarnissaa naatsorsuutigineqarpoq.

KIIN-imit oqaatigineqarpoq maanna peqqissaanermik ilinniartitaanerit allanngortinneqarnissaat pilersaarutigineqanngitsoq.

Ikinngutinnersumik inuulluaqqusillunga

Naja Petersen

Ilaqtariinnermut Peqqissutsimullu Naalackersuisoq